

EGUBERRI KANTAK.

DONOSTIYAKO SANTA MARIYAKO PREMILEIZAN KANTATUBAK 1816.^{garren} URTEAN.

SARRERA.

1
Au gabaren guztizko
Ederra ta alaya,
Berak ekarri digu
Jaunaren doaya;
Garaiturik beingoan
Infernuko etsaya
Gelditzen da zeruko
Atea idikiya.

1
Kristabak, aitor zagun
Gure doikerra
Zeren Jauna izan dan
Ain kupidakorra,
Esanaz biyotzetik
Fede andiarekin
Jauna izan dedilla
Betiko gurekin.

ZORTZIKO

1.
Gau eder aukerako
Parerik gabea,
Zuk ekarri gaituzu
Erredentorea;
zuk kristau guztiyentzat
Dakartzu bakea,
Lurrera jechirikan
Gaur gure jabea.

2.
Irugarren personak
Trinidadekoak
Gaur idiki dizkigu
Ate zerukoak.
Bere onesgilleko
Obra birtuteak
Garaitu du etsaya
Ta urratu kateak.

3.
Ona Trinidadeko
Bigarren persona
Digun amoriyuaz
Egñik gizona;
Mariya batzayaren
Errayetatikan
Lurrera etorri da
Kristabagatikan.

4.
Gaur egikarituda
Zoriyon gurean
Guzialdubenaren.
Naigña lurrean;
Gaur Betlengo estalpe
Beartu batean
Gure Jesús maitea
Dago trosa artean.

5
Herodesek jakiñik
Aurraren jayotza
Bereala nai diyo
Eman eriotza:
Bañan egiztatzeko
Lendandik esana
Aingeru bat jachi da
Aita Josegana.

6.
Ametsetan aitu du
Esaten diyola
Ejiptoko bidean
Jarri dediyela,
Guazen, jarrai zayogun
Kristabak munduban,
Gero arki dezagun
Guztiyak zeruban.

EUSKARICHOA

Guazen guztiyok, guazen,
Lasterka Belena,
Guazen, gaur da jayotza
Gure Jesusena.
Guazen, gaur da lureko
Gaurik ederrena,
Guazen, kristau maiteak,
Guazen bada aurrena.

JOSÉ VICENTE ECHEGARAY.